

詹事府

大清會典

大清會典

詹事府



詹事府詹事滿洲一人漢一人少詹事滿洲一

人漢一人

掌文學侍從

乾隆十八年

高宗純皇帝

諭會典館進呈詹事府會典則例

沿襲舊文未加更定詹事乃東宮僚佐諸貳未
建其官原可不設第翰林敘進之階姑留以備
詞臣遷轉地耳古稱建儲為國本計朕酌古準
今深知於理勢有所難行是以

皇考鑒

於前事默定。宸衷不事建儲分府。惟擇老臣宿望大臣勸讀內廷。朕繼承以來恪遵家法。亦惟慎簡師傅。俾之薰陶德性。講習經書。日有程課。其視出閣就傳有名無實者為何如耶。會典載春秋進講。虛文縟節。甚為無謂。著改正進呈。自後詹事府官以備翰林院遷轉之資。無他職掌。

○凡

御殿則侍直。

三大節朝賀及常朝。

皇帝御太和殿。詹事少詹事序於翰林院掌院學士

之次。與秋審

朝審。

秋審。朝審集議。詹事坐於大理寺卿之次。少詹事坐於大理寺少卿之次。

左春坊。左庶子。滿洲一人。漢一人。左中允。滿洲

一人。漢一人。左贊善。滿洲一人。漢一人。右春坊。

右庶子。滿洲一人。漢一人。右中允。滿洲一人。漢

一人。右贊善。滿洲一人。漢一人。司經局。洗馬。滿

洲一人。漢一人。

掌修書撰文。偕翰林院官而共其事。

一切職掌。俱與翰林

院侍讀學
士以下同

主簿。滿洲一人。漢一人。

掌文移。

筆帖式。滿洲六人。

掌繙譯。



